



Broj: 01018137/18

Sarajevo, 17. 12. 2018. godine

Univerzitet u Sarajevu realizuje Program cjeloživotnog učenja u oblasti pedagoškog obrazovanja i jačanja kompetencija akademskog osoblja (TRAIN) koji predstavlja dio opsežnog planiranja rada na trajnom stručnom usavršavanju akademskog osoblja. Ovaj Program odgovara didaktičkim potrebama savremenog nastavnika, potrebi za standardizacijom kvalifikacijskog okvira nastavnog poziva u visokom obrazovanju, te potrebi da stručno usavršavanje bude trajno prisutno kao obaveza i mogućnost svakom akademskom radniku da u svom poslu uvijek teži boljem.

U skladu sa Odlukom Senata broj 01-1093-12/18 od 28.11.2018. godine te iskazanom potrebom da se u okviru TRAIN Programa prime novi predavači Univerzitet u Sarajevu raspisuje

INTERNI POZIV za prijem novih predavača u okviru TRAIN Programa

U okviru TRAIN Programa novim planom i programom predviđena je realizacija devet modula. U okviru raspisanog Internog poziva angažuju se predavači na modulima:

- Didaktika visokog obrazovanja/Planiranje kurikuluma u visokom obrazovanju, 1 predavač
- Umrežavanje i timski rad, 1 predavač
- Osnovna polazišta inkluzivnog obrazovanja u visokoškolskoj nastavi, 2 predavača

Opći kriteriji

- naučni stepen doktora nauka
- zaposlen na fakultetu/akademiji Univerziteta u nastavi
- dobro poznavanje engleskog jezika
- vještine prezentiranja, iskustvo u podučavanju (dobra ocjena posljednje evaluacije studenata)
- orijentacija ka studentu
- završena edukacija u okviru TRAIN programa ili zvanje doktora nauka za oblast pedagogije

Specifični kriteriji za module

Didaktika visokog obrazovanja/Planiranje kurikuluma u visokom obrazovanju

- pohađanje edukacija iz didaktike, aktivnog poučavanja (učenja), izrade nastavnog plana i programa;
- autor publikacija koje pored elemenata predmetnog područja imaju uključenu i didaktičku komponentu (istraživanje u nastavi, refleksivna didaktika);
- komunikacijske i metodičke vještine.

Umrežavanje i timski rad

- iskustvo u korištenju društvenih medija za poslovno uvezivanje i/ili *online* mreže istraživanja;
- akademsko obrazovanje iz pedagogije, psihologije, sociologije ili srodnih oblasti povezanih sa ekonomijom i upravljanjem ljudskim resursima (ekonomika obrazovanja, organizacijska psihologija, obrazovni menadžment, itd.) ili stručnost u vođenju treninga iz ove oblasti.

Osnovna polazišta inkluzivnog obrazovanja u visokoškolskoj nastavi

- objavljeno najmanje 5 radova iz oblasti specijalne pedagogije;
- učešće u projektima iz oblasti inkluzije;
- pohađanje obuka/seminara/treninga iz oblasti inkluzije;
- realizacija obuka/seminara/treninga iz oblasti inkluzije u ulozi voditelja;
- senzibilitet za rad i iskustvo u radu s ljudima različitih sposobnosti.

Prijava

Ukoliko ste zainteresirani da se prijavite kao predavač za jedan od prethodno navedenih modula potrebno je da dostavite svoju prijavu koja sadrži sljedeće:

- pismo namjere;
- biografiju;
- dokaz o zaposlenju na Univerzitetu u Sarajevu (ovjerena kopija ugovora o radu ili potvrda o zaposlenju izdata od nadležne službe OJ u originalu ili ovjerenoj kopiji);
- ovjerena kopija TRAIN certifikata ili diplome doktora nauka za oblast pedagogije.

Prijave možete dostaviti poštom ili direktno na Protokol Univerziteta u Sarajevu (Obala Kulina bana 7/II za naznakom za „TRAIN – Konkurs“). Uz prijavu je neophodno obavezno naznačiti naziv modula za koji se prijavljujete.

Interni poziv ostaje otvoren do je **3.01.2019. godine**.